

## LXXIII.

*Lettre du Prince d'Orange aux quatre membres de Flandre. — Il les exhorte à satisfaire à l'accord fait avec le s<sup>r</sup> de Montigny. (Arch. Y.)*

1579  
29 Janvier.

Messieurs, Daultant quil est tres expedient et necessaire de procurer, tant quil est aucunement possible, que l'accord fait avecq Mess<sup>s</sup> de Montigny et de Herze et les Walons se trouvant en vos quartiers soit acheve, pour par ce moyen sublever le pais de flandres de tant de charges et grevemens qu'il est contraint de supporter presentement, et que pour ce faire il soit necessaire de parfaire le furnissement de deniers qu'on aura a paier suyvant le dict accord, vous ay bien voulu faire ceste, et prier tres affec-

— 125 —

tueusement de vouloir considerer les raisons susd<sup>tes</sup> et ce suyvant mettre tel ordre que lesd<sup>ts</sup> deniers se puissent furnir par la premiere, afin que par faulte d'iceulx le poure pais nendure plus longuement lesd<sup>tes</sup> charges et desgats, et ne vienne en plus grande ruyne. Et ne servant ceste a aultre fin prieray Dieu apres mes tres affectueuses recomandations a vos bonnes graces vous maintenir,

Mess<sup>rs</sup> en sa s<sup>te</sup> garde et protection d'Anvers le xxix<sup>e</sup> jour de janvier 1579.

Vre bien bon amy a vous faire service

GUILL DE NASSAU.

A Messieurs, Messieurs les quatre membres de Flandres.